



DEO OPTIMO MAX.  
UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

QUOD LIBET ARIIS DISPUTATIONIBUS  
*manè discutienda, in Scholis Medicorum, die Jovis sexta*  
*Decembris, anno M. DCC. XXXVI.*

M. BARTHOLOMÆO MURRY,  
Doctore Medico, Præside.

*Esſe-ne transpiratio hyemalis perfectior?*

I.



UNCTIONUM integritas ex ingestis & egestis præcipuè  
continetur. Inter hæc certa proportio. Egesta quandiu quanti-  
tate respondent ingestis, sanitas est. ingestorum auxilio, ege-  
storum damna reparantur. Egestorum ope, ingestorum tollitur  
redundantia. Alicundè sit excessus, proximum erit vel onerari  
corpus, vel defraudari. Unica est ingerendorum via, ventri-  
culus: via multiplex quâ eliminatur quicquid in corpore super-  
vacaneum est. Alvus, vesica, nares, aures, ipsumque os, excrementis sen-  
sibilibus, pori cutis & pulmonum, materiei vaporis formâ avolanti exitum:

præbent. Harum itaque omnium evacuationum summa colligenda est, ut innotescat egestorum cum ingestis ratio. Constat ex staticis, solâ perspiratione insensibili plus egeri, quam reliquis omnibus excretionibus simul sumptis. Quare multum refert, quomodò illa se habeat. Neque eodem semper tenore procedit. Æstate uberior est, hyeme parcior. Quid ergo? Est-ne æstate melior *transpiratio*, quia abundantior? Credunt forsan nonnulli, non perpendentes, quid, sed quantum *perspiratione* dissipatum fuerit. Verum tunc melior est *transpiratio*, sive perfectior, non quando copiosior, sed cum solus humor inutilis vel noxius, nullâ utilis vel necessarij portione commistâ excernitur.

## II.

**P**OROS duplicis esse generis constat: alios excretorios, absorbentes alios. Hi ducunt ad venas, vel lymphaticas, vel sanguineas, vel utrasque. Illi nihil aliud esse videntur quam arteriarum appendiculæ, per quas subtiliora sanguinis recrementa emittuntur. Sub cuticulâ adfunt infinita propemodum hujusmodi orificia: pars, sudorem fundunt; alia longè numerosiora exhalant liquorem tenuissimum, atque insensibilem. Sudor excretio violenta est, vel à nimio liquidorum impetu, vel à nimia solidorum relaxatione pendens, à natura alienus etiam in statu sano. *Perspiratio* verò evaporatio est naturalis, & necessaria, liquidorum solidorumque integritatem demonstrans. Hâc viâ, succorum reliquiæ enutrito corpore evanescent: non tamen ante dimittendæ quam novis humoribus in omne corpus deditis suppleantur, peractâ coctione ultima. Sic succedente liquore blando & alibili, residuum ex prægressâ nutritione, effectum jam detritumque motu continuo, *perspirando* eliminatur. *Perspirationis* itaque perfectio in eo posita est, ut inutilis atque detriti liquidi excretio tantummodo, plenè tamen fiat.

## III.

**I**D beneficii præstat hyems. Frigore condensatus aër, habitudini corporis fortitils incumbit; & in calentibus pulmonum latebris amplius rarefscens, pneumonicas cellulas distendit, atque intercurentia vasa comprimit arctius. Sic pororum omnium, tum qui in pneumonicis cellulis, tum qui in corporis superficie hiant, diametri sunt angustiores. Sic, & sanguinis per pulmonem transluentis, & humorum per universum corpus circumactorum motus acceleratur. Namque pro superandis obicibus, cordis robur invalescit; nisi illud ipsum jam fractum sit, vel occurrant obices longè potentissimi. Ergo hyemali tempore *perspiratio* suis numeris absoluta vigeat necesse est. Quippe ex contracta pororum diametro, fit, ut non solum alibiles particulae exitu prohibeantur, sed etiam inter inutiles excernendas ex solâ ejiciantur quæ magis detrita sunt; dum ceteræ crassiores restituuntur sanguini, multa æconomia animali beneficia præstentur. Earum enim refluxu, excreta sensibilia copiosiora sunt: uberior saliva, bilis abundantior atque diluta magis: perfectior proinde alimentorum concoctio, & mollior alvus. Illinc, quæ elaboratiorem chylum

consequuntur; comoda procedunt. <sup>3</sup> Hinc quæ excrementorum in intestinis moram excipiunt, mala avertuntur. Nec est quod parciore hyeme *perspiratio* plenitudinis timorem injiciat: quicquid è *perspiratione* tunc cessat, vel suppletur aliis evacuationibus, vel in ipsius corporis convertitur utilitatem. Roborata frigore, unà cum corde, vasa omnia, interfluentes humores quassant vividius, subtilius comminuunt, miscent accuratius. Pori quidem hyeme sunt angustiores, sed hyeme tenuior sit *perspirationis* materia. Tunc quidem particule crassiores excluduntur à poris; sed ut in vasa sua retro pulsæ suis usibus redantur, quæ secus inutiles avolvissent. Rationi igitur consentanea non est opinio quæ sinceræ *perspirationis* gradum perfectissimum, non in qualitate, sed in copia collocavit. Satis copiosa *perspiratio*, quæ cæteris juncta evacuationibus, assumptorum quantitati æqualis est: quæ major, nimia. Ex utilium enim succorum penu desumitur quicquid modum excedit.

#### IV.

JUSTA hæc mediocritas adest, cum talis est emissariorum diameter, qualis neque laxior particulis alibilibus exitum præbeat, neque strictior detritis atque inutilibus deneget. Quæ quidem præstat hyberni aeris temperatio. Atque, ut contraria est activi aeris natura, ita contrarios edit hic effectus. Rarior si quidem ideoque levior, corpora minus comprimit, cuticulæ squamulas minus confringit, in pulmonibus rarefit minus: unde expassis humoribus vasa dilatantur, laxantur pori. Hinc \* *corpus minoris erit roboris, tum quia cum perspiratione exhalat aliquid bonorum spirituum, tum quia calor non est concentratus*. Etenim sanguis plus solito rarefcens, cum ad cordis basim renixus inveniat nullo pacto superandum, propellitur versùs arteriarum extremitates, ubi propter laxata oscula externa, renixus minor est: atque ita succi nutritii unà rapti melior pars orificiis hiantibus profunditur. Ea sanguinis copia in cutem derivari nequit, quin viscerum calor imminuatur, simulque illorum officia langueant. Nec autumno melior est corporis humani conditio, imò pejor. Nocet enim calefactis frigus vel minimum. Vasa *cutanea* liquidis nimium turgida subito astringuntur: liquida vero, utpote copiosiora, partibus tenuissimis per calorem diffatis, non eà accelerantur vi, quâ pori contrahuntur. Hinc à stagnatione humorum intra capillaria vasa, morbi atrocissimi. Quod spectat ad tempus vernum, qualiscumque sit eo ineunte *transpirationis* integritas, soli hyemis vicinæ debetur; eadem ferè adhucdum remanente pororum diametro. Atque cum accedens calor illos expandit & ampliat, apportat simul æstatis incommoda.

\* Sanctor. Aph.  
35. sect. 11.

#### V.

CORPORUM nostrorum partes omnes continenter nituntur in contractionem. Æstivo autem tempore nimium dilatantur omnia in corporibus. Inimicam proinde vim patiuntur. Hyemalis aer naturalem contractionem reddit fovetque. Ergo partes à violento motu vindicat. Conciliatam ab hyemali aëre poris contractionem sequitur *perspirationis* imminutio. Nostræ itaque naturæ accommodum est, quod hyems *perspirationis* ubertatem reprimat. Sic in

4

interiore corpore nativus calor colligitur; atque calidiora idcirco viscera mu-  
 nis suis obeundis habiliora fiunt. Hinc stomachi robur ad alimentorum con-  
 coctionem: hinc bilis fluiditas, tempestate calidiori spissioris facta: hinc urinæ  
 uberior copia, cujus pars magna per cutis orificia æstate avolabat: hinc tandem  
 alvi excrementa, quæ æstate, liquidi sufficientis defectu, in intestinis con-  
 crescebant, molliora jam, statim temporibus egeruntur. Ista beneficia Septen-  
 trionales gentes ut plurimum experiuntur, corporis robore, vitæ diuturnitate,  
 virtute fecunda cæteris hominibus præstantes. Ex adverso, Australium plaga-  
 rum incolas effæminat calor. Quid plura? Lavacris frigidis firmatur corpus,  
 calidis enervatur & frangitur.

*Ergo hyemalis transpiratio perfectior.*

### DOMINI DOCTORES DISPUTATURI

<i>M. Lucas-Augustinus Folliot</i> <i>de Saint Vast.</i>	<i>M. Bartholomæus Murry,</i> <i>Aâs Præses.</i>	<i>M. Jacobus Fournau.</i>
<i>M. Ludovicus-Jacobus Pipe-</i> <i>reau.</i>	<i>M. Gabriel-Antonius Jaquer:</i>	<i>M. Michaël-Ludovicus Rê-</i> <i>neanne Ex-Decanus, Cen-</i> <i>sor Academiæ, &amp; Regis</i> <i>Scientiarum Academiæ So-</i> <i>cious.</i>
<i>M. Joannes Isoard.</i>	<i>M. Claudius de la Vigne de</i> <i>Frecheville, Medicus Regis</i> <i>&amp; Domus Reginæ. Ordina-</i> <i>rius.</i>	<i>M. Raymundus-Jacob Finor:</i>

Proponebat Parisiis, GUIDO-ANDRÆAS GARNIER,  
 Parisinus, Baccalaureus Medicus A. R. S. H. 1736.  
 à sexta, ad meridiem.